

漁洋詩集

一函
五冊
函

漁洋山人詩集卷六

新城 王士禎貽上 撰

已亥稿

聽公戢彈琴三首

秋靜垂簾拂玉琴
絃園風日正蕭森
迴絃更作清商曲
無限瀟湘萬里心

秋來日日聽長松
天淨雲閒欲御風
一理金徽向遙夜
泠然翻在七絃中

彈御風操

莫向華陽問廣陵
竹林人去絕音聲
與君更作他年約
黃鵠山中訪戴行

過潘進也觀海棠因共奕有贈

風日清秋美都忘搖落時故人姑射客名卉錦城
姿岸幘宜高詠垂簾得劇棋不因潘騎省乘馬欲
何之

送張束巖赴汝寧

有美張公子猶煩佐郡行山鄰黃歇宅俗近白公
城鴻雁秋風起薜蘿暮雨生清淮三五月應爲使
君明

戲放弇洲先生足古語成詩二首

簡與禮相背嬾與慢相成自緣林壑性不是學嵇

生

三人持衣裾四人捉坐席頗憶故園時山徑無殘
客

遇譚菊澗因憶兗州趙使君

七載相思入夢頻高魚烟樹不勝春今宵共剪燕
山燭却憶靈光殿裏人

送喬元聞赴沅陵二首

欲問辰州路烟波接桂林停帆湘水曲吹笛武溪
深瘴癘天南息丹砂世外尋衡陽望不遠迴雁故
鄉心

楚國青楓晚南帆過洞庭黃陵當極浦斑竹映寒汀
秋入湘妃怨人悲漁父醒因風薦蘋芷爲我弔
□靈

九日黑窑廠登高同曹顧菴彭駿孫四首

寒雲蕭瑟古今哀攜客同登萬里臺宮闕蒼茫生
返照山川突兀人銜杯風高九塞悲笳起木落三
關朔雁來惆悵東籬兄弟在故園黃菊背人開
對酒當歌勸濁醪紛飛木葉下亭臯談經江左中
朝貴戲馬彭城六代豪銅鼓雄師開瘴癘朱方新
戍亂波濤蒼然平楚商風裏咫尺雲天首重搔

大漠東來走令支山河明滅影參差滹沱濁浪凌
秋急碣石寒雲出塞悲九日登臺思郭隗十年長
事少袁絲重來擊筑商歌苦菊蕊楓凋又一時
蘭蕙初薺拂素波佳期眇眇奈愁何憑高且盡燕
姬酒異地長爲楚客歌廢苑人稀衰草合諸陵秋
老夕陽多遠遊寂寞湘潭侶欲載雲旗問九河

送懷人下第歸楚兼寄亦世

九月天涯菊有芳送君離思滿江鄉寒楓帶雨臨
漳水秋雁隨人過漢陽敝履幾年愁北郭公車猶
自滯東方吾家平子聲名久報爾相思擊筑傍

同馬三如源思天寧寺觀浮圖

千載隋皇塔嵯峨俯舊京
相輪雲外見珠網日邊
明淨土還朝暮滄田幾變更
何當尋法侶林下學
無生

集公馭寺寓贈伯琴上人

上人精
琴理

佳日遲玄度名流見法深
高談宛西寺開社卽東
林支枕松風晚聞鐘花漏沉
還將山水思一問伯
牙琴

賦得江猿吟翠屏送陸子之巴州

爲客三巴路迢迢獨夜舟
斷猿巫峽暝寒雨蜀江

流合沓來層嶂凄其入暮秋此中腸斷絕莫問楚
昭丘

送僧歸茗中

還持杯渡鉢言返道場山定識珠旃寂心依玉磬
閒衲衣行雪後溪水出人間茗雪烟波裏花時好
閒關

題杜工部秦州像爲梁大曰緝二首

杜陵人不見遺照自輝光離亂經天寶艱難剩草
堂東屯田父宅西閣楚人鄉才子千秋淚青蓮亦
夜郎

靈武中興日秦州旅食年
羗戎常雜處崖谷到今
傳意氣凌天馬幽愁拜
杜鵑瞻依思往事攬涕一
潸然

寄內二首

跡是遊秦日情非入洛年
遙憐香閣裏獨坐理鳴
絃明鏡慚孤影愁妝減
舊妍機中兩行淚莫遣
濕吳綿

偕隱龐公婦家風儒仲兒
挽車當早歲齷齪雪及芳
時弱柳垂前戶寒梅發後
池曰歸仍未卜悔別易
前期

用皇甫司勛九日懷兄弟韻寄家兄禮吉子

側

吳關征戰後鄉信又經秋已感繁欽思還深謝監
愁雁辭榆塞雪霜下玉河流何事慚鄉里平生馬
少游

初夏北上過訪愚山督學陶齋有詩貽寄久
未奉答復聞宣城寇亂感懷二首

迴飈起天末落葉滿山城嘉會一相失羈愁自此
生花殘峭湖路雁帶魯門情自枉瑤華贈無由遠
寄聲

烽照青溪柵新林鬪艦多王師殊不戰盜賊竟如
何春穀空烟水梅湖剩薜蘿江南離亂後庾信幾
悲歌

九日同曹顧菴彭駿孫用重陽登高爲韻兼
寄陳子更四首

大漠斜陽裏千山紫翠重寒烟生獨鹿古戍隱盧
龍搖落辭芳樹蕭條起禁鐘故鄉望不見莫上最
高峰

迢遞金風起登臨下夕陽故人皆屈宋秋意似瀟
湘塞上蘼蕪歇江城蘅杜香所思空偃蹇遠道不

勝長

薊丘臨朔漠慷慨此同登古塞三千里荒烟十四
陵鼓笳秋慘淡鷗鶚暮飛騰憑弔悲今昔風前意
氣增

酒人不可見躑躅憶荆高易水流難盡西風萬里
濤山川猶朔塞詞賦且凌囂那更黃花晚當杯勸
濁醪

與公弼

偶然辭舊墅復欲遂初衣清潁雲山遠春明客夢
稀寒松當几席流水入琴徽自昔聞通隱陶公詎

憶歸

高奴城歌送顧翊文之鄜州同駿孫作

君不見高奴城蒼蒼橫百里三秦征戰幾千年
夕照荒烟但殘壘武唐顧生才且賢盛年獻賦明光
前卽看姓字滿南北却遣無媒之洛川洛川迢遞
三川水涇渭西流去何已登高不見五原人空眺
長城暮烟紫顧生爾豈百里才風塵濩落何爲哉
此去且揮白羽扇懷人莫問黃金臺顧生勸爾一
杯酒世事浮雲復何有專城五馬亦不賤漢家况
重扶風守兩年與爾同情親長安客舍仍比隣一

朝揮手入關去五噫應念高生貧銀河漸稀曉星
沒千騎東方待明發高齋若憶杜陵詩相思遙寄
鄜州月

巴州歌再送陸子同茗文作五首

西望三川紅樹秋秦雲蜀棧兩悠悠此中水似離
心曲天際長懸巴字流

使君擁傳暮春時蜀道花濃錦浪吹雲盡水連巴
子國月明人到竹郎祠

李嚴城邊粉水清相如橋外錦江明錦江遊女粉
江水南部風流無限情

巴東驛路接巴西薄暮清猿到處啼自是行人聽
不得嘉陵江上草萋萋

巴兒妙舞得人情巴女清歌舊有名碧玉樓中無
吏事垂簾歌舞卧桃笙

巴人以竹
簾爲桃笙

題公馭蘇門圖卷

曾學如鸞旨心懷汲縣遊秋清嘯臺月竹映百泉
流小隱何年卜名山一卷收聊當共嵇阮把臂向
林丘

紀事二首

龍旂豹尾急傳呼詔幸昌平出上都復土重增新

宿衛期門先召大句臚

天壽蒼涼石獸陳荒原驚見翠華春君王淚灑思
陵樹玉盃金鳧感侍臣

冬日過金魚池二首

記來劇飲暮春天絡馬青絲白玉鞭却倚迴欄望
珠箔吳歌趙舞爲君妍

折葦荒蒲臨斷岸暮雲寒雪壓重樓獨來不見高
陽侶斜日烟波迴自愁

無題同彭十駿孫作八首

雲母屏風玉女扉上清名字見應稀花浮綺戶初

移鏡香煖薰籠欲換衣促坐定知寒乍劇餘魂猶
憶夢相依隴西上計前宵去聽盡瓊籤懶下幃

堂前七十二鴛鴦桂樹生花各著行香霧霏微更
乍歇銀河清淺夜初長卸頭頻促挑燈坐殢酒難
勝拂簾涼惆悵青春忽十載不禁團扇掩啼妝

青瑣蕭晨碧蘚滋新鶯新絮殿春時似疎更密蘋
花雨已落猶開荳蔻枝洛浦神人工拾翠魏家公
子妙彈棋此中便擬長生約閨苑蓬山那得知

珠閣金屏暑氣收深閨午夜待牽牛三叢繚繞蒲
爲鍛七寶光明玉作鈎天上碧雲方薄暮人間紅